

四庫未收書輯刊編纂委員會編

四庫未收書輯刊

北京出版社

玖輯・貳拾柒冊

四庫未收書輯刊

四庫未收書輯刊編纂委員會編

北京出版社

〔清〕閻沛年撰

晴峰詩集一卷

清乾隆刻本

玖輯・貳拾柒冊目錄

晴峰詩集一卷	〔清〕閻沛年撰	一
紫薇山人詩鈔八卷	〔清〕沈維基撰	三七
練江詩鈔八卷	〔清〕程之鵠撰	九七
寤硯齋集二卷	〔清〕戴晟撰	二一三
古雪山民詩後八卷	〔清〕吳銘道撰	二八五
松梧閣詩集一卷二集一卷三集一卷四集一卷	〔清〕李暉撰	三七三
卧山詩鈔三卷	〔清〕胡栩然撰	四九一
韭溪漁唱集十卷補遺一卷	〔清〕秦時昌撰	五二三

青樓詩鈔不分卷遺照手卷題辭二卷〔清〕盛錦撰

五八三

〔清〕閻沛年撰

晴峰詩集一卷

清乾隆刻本

閔大尹晴峯初任龍游
總調嘉禾凡其所至輒有
能聲余接其言論溫雅奉
神俊拔竊知其為詩人而
每疑其躬膺民社目叟

吟

恐一欲索句而未能然詩之
道通於政昔人一琴一鶴
載歌載咏亦足以化民成
俗發抒治理而不僅為簿
領勞苦其形神也晴峯
負雋異才間一搦管紀事

懷人覽物述志皆興至而
濡毫焉昨郵寄南遊一帙
詞新而旨遠神寒而氣清
殆所謂滋轉清便如溪風
回雪者歟陳大尹燭門與
晴峯同官一方往來贈答
詩情吏事兩不相妨其所
得當益盈笥累篋余既
喜晴峯之不以塵鞅紛其
才思而更羨同官有詩
人倡和於鴛湖煙雨之間
為一時之所難遘而如彼此

之相得益彰也。司書數語
於簡端

乾隆五年歲次庚申季春

月楞阿張若震書



張若

三

葉序

一

詩起音聲著為標格艷冶淫靡固傷大雅窮
愁哀怨亦戾和平惟據所造諸品各自名家
而風雅之正勿存焉 自司醒晴峰分符浙
水歷有年矣余未知其能詩及余莅嘉禾
晴峯尹郭邑有能聲時時晤接心儀其有詩
人你鼓而亦未睹其詩也庚申改官浙東冬
循例補行 王覲取道淮揚踰泰山歷齊
趙晨雞月冷落日雪晴車塵馬足間徃之情
思頓絕古人云詩思在灞橋驢背上茲所得
正不減是惜乎余之不豪於吟思歧風雅而
未逮也夜宿旅店凡壁間題咏輒命火編讀
於塾堂見 晴峰七律一盃 晴峯遷秩先
余入 覲歸塗即事也冲融恬雅絕無征
人勞悴一洗感慨意於家城所見心懷然
後歎詩之發舒性情養之粹者不期工而自
工 晴峰之詩迺 晴峯弦歌化理之緒餘

而性情之正則真有得於風人之教宜其登
作者堂與循卓聲而並著也余歸後得其南
遊草一帙反覆流覽益歎其恬吟審咏語
性情今晴峰且司離一路去駕水而駐武
林矣咫尺西湖白蘇二前賢之咏歌風流不
沒如一日詩情賦思自此其目益增新而不
猶乎余雖迢隔江雲未易時共欣賞異日倘
有事於武林尚當取而卒讀之乾隆辛酉上

葉序

二

已日長洲葉士寬叙



余集國朝詩品見者以為存其詩吾以
為存其人也夫人有性情而詩繪之人
有聰明而詩釣之故詩之品直人之品
也昔鍾嶸著詩品論詩兼論其人司空
圖二十四詩品雖未論而分體標格以
俟其質之近者而自擇焉則論詩之品
即以論人之品也吾兄晴峰幽爽清逸

陳序

一

語其品則盃之晶與尺之玉與吾嘗以
呂叔簡呻吟語相人而知其詩無不中
者若兄之為人殆所謂多芳興其俊者
耶乃讀南遊草而益歎前人之論其不
磨有如此也讀既竟猶愛不釋手愛其
詩尤愛其品也價重難林灌先薇露其
珍貴又曷可限量耶

乾隆五年上章泥灘陬月之吉

天長同學弟陳以剛拜書



陳序

二

詩之有序法古也古之序詩者多矣或序其事或序其旨未有序其情者序其情自余始余於庶成歲獲支

晴峰同老先生作三衢之遊維時一見如飯不喜其之然蘭以息相次僧廬客館間焚香分韻值視一切筆墨所到正復寢道古人幾手詩狂

全序

一

歎上天也願海以公車僕、此先生別余則三上春風先生則三信邑後中間如睽隔不見顏色者垂九年矣於旅邸破簾中檢得昔日詩稿輒追憶久之甚且致諸夢寐蓋歎文字之交非浮者以子潤玉情中者自古耳今年秋余需次暇稿而先生由嘉興大令遷運離別駕

遂復得觀而紀習渚塵芳斛意以
醍醐灌頂而舍之一時之快也其掩
映宇宙先生乃公時若之福及別
後諸詩都為一集命余讀之若瀟
清曠之神與新秋爽氣併入肺腑
而如人世間復有何樂情之於人一
分於此先生以余固曰倡和知可
若人也不棄固陋以序見屬附驥之

全序

二

榮所踴躍而不自禁者敢書數語
於簡末以先生之詩妙若杜陵
者自知之余何贅焉

乾隆五年歲在己丑章治灘孟秋月
治年家晚生金韻古拜撰



晴峰詩集

壺水閣沛年 晴峯

閩南園登樓

奉使南來一榻懸危樓縱目獨軒然浮雲江上
聞連越積水村頭柳帶烟客裏夢魂依北斗眼
中風景悵南天關山迢遞音書絕不盡鄉思落
照邊

客夜

晴峯詩集

一

珊枕唯餘積雨聲客懷當此倍多情城頭戍鼓
三更壯海角萍踪一葉輕半世風塵都在髮百
年詩卷不因名蕭條此際應難寐饒有雲山入
夢清

郊外

葛衣草屨快新晴埜外翛然一徑行隔岸漁村
聞犬吠懸橋烟樹有人聲日收嵐氣山猶濕風
靜江濤水欲平懷抱乍隨雙眼豁碧空無際越

天明

客次喜晤馬四純齋

賴君同作客握手不多回
醉別心嘗熱萍逢淚復開
半軒孤榻下疎雨一帆來
不盡纏綿意臨風對舉杯

登閩南園傑閣次金柳汀元韻

千嶂雲飛雨勢奔登臨觸處總銷魂
村邊草色迷牛徑樹外溪烟破鳥痕
吳越旌旗城堞杳漁樵風月浦墟存
凭欄立久天將暮數盡歸鴉倦眼昏

晴峯詩集

二

喜金柳汀韓嶼亭燈下小酌聯句

有酒不辭醉高歌莫厭狂孤懷挾海岱健筆走
風霜屋小高燈動窗開晚袖涼一番瀟灑意相
對總難忘

二

休言作吏時對境有新詩
風月開樽慣溪山落

墨遲踈螢飛亂草烏鵲掠高枝得句慙風雅難
酬庾鮑辭

舟夜

蕭騷短髮幾經年此夜舟仍漱水邊
樹黑漁燈明極浦雲晴河影澹長天一帆歸
夢山仍疊萬里孤踪月未圓何處幽人弄橫竹
聲鼓吹散越江烟

舟中夜雨

晴峯詩集

三

幾經波浪險此夜足風濤雲黑魚龍見
江空雷電高浮沉漁子艇冷暖旅人袍
短燭寒相照蕭疎見我曹

仍返宜園次金柳汀元韻

乍別宜園興早灰繩牀今復寄山隈
荷花爲我亭亭放燕子親人欸欸來
滿座好風清話久一窗涼月晚樽開
阿香還解憐孤客不作池塘昨夜雷

夏日宜園雜興五首

天涯漫說久風塵喜得虛樓作比隣今日憑欄
凝遠望青山無語獨憐人

二

一帶低牆受遠風窗虛獨倚小樓東客懷儘有
天然處却在荷花柳蔭中

三

高柳低垂綠線輕日斜拂拂不勝情滿園烟景

晴峯詩集

四

渾如許又有蟬鳴四五聲

四

遠嶂輕雷近短牀呢喃燕子繞雕梁呼童掃地
閒階立團扇飄蕭納晚涼

五

客裏空憐舊酒壚紙窗風閃一燈孤醉來題盡
花間壁好句還能入夢無

讀秦偉士詩因以弔之

楚士名高碧水灣十年遊宦不知還忠魂已去
瀟湘夜好句長留天地間入世以來唯白眼賞
心之內有青山茫茫造物真難問喪我詩壇淚
欲斑

漳樹將軍廟

扶疎老樹古精靈久與虬松作比隣百尺鐵柯
藏甲冑千年霜幹捲風塵龍蟠月落吞江暗鳥
語雲間覆地春廟側至今猶屹立行人誰不弔

晴峯詩集

五

孤臣

舟中雜興四首

萍踪寧有定又到潑水東兩岬濕雲裏一舟孤
夢中蛟龍吞夜雨金鼓落江風不語還欹枕荒
燈淺淡紅

二

古驛臨沙岸依沙繫短舟疎星隔樹杪殘月映
江流客久自多夢夜涼欲近秋漸看山色曉遠

徑有耕牛

三

盡日長江路蕭蕭見野村
漁船泊顏岬僧寺掩
荒門日晚千峰暗烟浮一塢存
憑窗獨悵望蒼莽亂鴉痕

四

江上雨初歇江空日在西
天風搖鷺影村樹隔雞啼
樵子迷平路漁人入小溪
開篷千嶂立又

晴峯詩集

六

見水雲低

七夕二首

旅榻蕭蕭戶半扃
新秋夜色冷詩屏
獨憐烏鵲無聊賴
不渡人間織女星

二

蒼茫銀漢影雙雙
依舊孤踪隔大江
閨裏不知誰乞巧
空餘涼月到幽窗

湖鎮道中

蕭瑟西風落葉輕
草寒蟲老竟無聲
寒鐘遠寺江風靜
好月中天樹色明
萬里關河他國淚
千村砧杵故園情
肩輿遙望孤燈暗
隱約漁家一艇橫

橫山道上二首

案牘勞形日雲山放眼時
停旌呼野渡策馬出村籬
城郭猶荒鼓橋梁只斷碑
為憐僕從苦小憇拂吟髭

晴峯詩集

七

二

獨有清秋日悲風晚自過
白雲吹柳渚紅樹遍山阿
鳥雀荒村少牛羊夕嶺多
黃昏前路暗歸計莫蹉跎

登張氏祠堂樓次韓嶼亭元韵

水郭山城外登樓縱目中
秋雲遙嶺碧霜葉濕烟紅
網下魚溪雨帘飄酒店風
關山原在望不見寄書鴻

同柳汀嶼亭遊靈鷲峰二首

蕭蕭天際問浮圖，葉亂西風一廟孤。
千仞峯巒存古木，百年風雨有荒廬。
日斜樵子歸村去，雲冷仙人入洞無。
載酒此來真偶爾，揮杯莫漫笑狂夫。

二

聞君前日說靈峰，今日同君傍老松。
窗外墻高鴉影亂，洞前秋暖麝香濃。
殿沉法鼓當天落，門

晴峯詩集

八

鎖荒烟入徑重，不見澄泓泉尚在。
當年風雨起蒼龍。

偶成

風晚橫山冷客來，占一峯溪聲在白石。
鶴影落青松孤墻村中，砵秋林寺裏鐘。
此間多隱者，我欲問芳踪。

自衢郡之嚴州

衢州三日客片席，向嚴灘風急江聲壯。
熾高日

色寒秋林垂橘實，烟水冷漁竿。
兩郡尋名勝，應忘道路難。

子陵臺

十幅蒲帆破浪來，客星亭下獨徘徊。
江山萬古無劉室，風雨千年有釣臺。
遜跡真從邱壑願，徵書難起廟廊才。
故人祠宇蒼松古，冷月荒烟自往回。

舟夜

晴峯詩集

九

雨後出城郭，帆檣動水濱。
江流平少舛，月色淨無塵。
渺渺天涯客，蕭蕭獨夜身。
愁多不欲寐，更盡冷侵人。

午睡

午睡客初起，晴雲乍有無。
窗虛松影入，榻短夢魂孤。
散髮烹春茗，披襟展畫圖。
由來疎懶意，君莫笑狂夫。

納涼

團扇飄蕭坐墻陰已半過檻前殘雨住樓外晚風多煙水迷鳬鷺夕陽澹芙蓉煩囂塵市遠千古考槃歌

遊東華山

龍游城外艸離離黯淡斜陽欲隨時黃葉有祠人不到翠華無主像空遺飄零霸氣歸荒塚寂寞禪心付斷碑石路倦遊須策馬殘雲野樹拂鞭絲

晴峯詩集

十

客話

客話黃昏久踈星影過樓情關千載上酒醉大江頭薄宦經年累親朋此夜畱莫須貪早睡涼月上銀鈎

立秋有感

梧葉井闌落涼風座上移不堪作客日又到立秋時事業才何有林泉卜未知一官匏繫後漸老鬢邊絲

思家

千家砧杵聲秋晚旅魂驚歸第思諸妹趨庭憶兩兄官貧袍自敝書杳雁無情腸斷牽衣後生涯悔近名

重遊東華山

東華山水碧粼粼策杖重來異國身材大遠迎曾宿客山雞遍喚舊遊人空堂龍象懸蛛網野水鳬鷗逐釣綸太息當年姑蔑塚平原荒草卧

晴峯詩集

十一

麒麟

竹

玲瓏踈影動蒼翠夜涼生一本分湘淚千竿折雪聲居醫蘇子病林集晉人名時欲幽篁坐長歌待月明

客夜即事

作客在天涯歲月成潦倒天地適初秋涼風何太早松竹任盤桓明月照人好微露濕梧桐螢

火冷芳草思欲借清樽蕭然舒懷抱縱談天外
事語言通海島忽然生感慨時序催人老鬢髮
何蒼蒼滿頭有誰掃雙丸等隙駒逝流同浩浩
且縱今夕酒切勿心如擣

重過張氏祠堂

爲政風流豈在茲筆囊常帶縱遊時長貧官減
陶潛米大雅詞宗杜甫詩短榻塵侵還傍我孤
松琴抱向同誰百年樛棟崔巍甚碧瓦依然照

晴峯詩集

十二

綠池

張氏小園

天上張公子結廬十畝宮茅亭修竹裏蔬圃細
流中春茗傾杯碧香醪暈面紅風塵吾愧汝何
日釣秋風

二

何處晴光好涼風曲檻前苔痕三伏雨柳色萬
家烟水靜池魚上林深野鶴穿夕陽人醉後纖

月上山顛

對月

山月光於水虛窗獨坐時天風吹戶白花影入
簾遲續火浮隣壁漁歌近水籬三更橫笛好一
曲故鄉思

秋夜

秋夜澹茫茫相思淚幾行山城悲鼓角河漢斷
橋梁露下衣衫濕風過枕席涼高樓纖月落魂

晴峯詩集

十三

夢尚江鄉

塞上

孤城邊雪滿萬嶂朔雲平草惜明妃塚沙埋漢
將營三關封紫塞兩鎮逼神京望斷桑乾渡相
思空復情

晚郊

薄暮山城暗寒濤江水遙林鐘沉寺墻野竹映
塘橋沈約圍愈瘦相如渴未消官津楊柳渡天